

蔡 鵑

成 片

勛 煙

與

第一一期

江西旅京同鄉會刊行

蔡成勳與鴉片煙第一期目錄

●●● 宣言書

江西旅京同鄉會反對蔡成勳公賣煙土勒種烟苗宣言書（附江西拒毒
局章程原文）

南昌學生聯合會反對蔡成勳公賣烟土宣言書

●●● 呈文

江西旅京同鄉會第一次上府院呈文

江西旅京同鄉會第二次上府院呈文

江西旅京同鄉會第三次上國務院呈文

江西旅京同鄉會上外交部呈文

江西旅京同鄉會上內務部呈文

江西旅京同鄉會上司法部呈文

江西旅京同鄉會上陸軍部呈文

江西旅京同鄉會上蘇皖贛巡閱使呈文

●●● 質問書

江西旅京同鄉會公推本省參議院議員符鼎升提出江西督理蔡成勳公賣鴉片究竟政府事前曾否許可現擬用何方法禁其實行並如何與以嚴懲質問書

●●查辦案

江西旅京同鄉會公推本省衆議院議員黃序鵬提出江西督理兼省長蔡成勳公賣煙土勒種煙苗違法殃民咨請政府查辦案

●●訴狀

江西旅京同鄉會理事長符鼎升爲蔡成勳等假名拒毒實行販運鴉片並勒種煙苗呈請北京總檢察廳嚴令江西高等檢察廳轉令南昌地方檢察廳分別偵查依法起訴或聲請移轉管轄立提嚴究訴狀

江西旅京同鄉會理事長符鼎升爲蔡成勳等假名拒毒實行販運鴉片並勒種煙苗呈請南昌地方檢察廳分別偵查依法起訴訴狀

●●函電

江西旅京同鄉會第一次致萬國拒毒總會函

江西旅京同鄉會第二次致萬國拒毒總會函

江西旅京同鄉會致各報館函

江西旅京同鄉會致贛籍兩院議員請對於參議員符鼎升提出質問書彙

議員黃序鵬提出查辦案分別予以連署函

江西旅京同鄉會致江西省議會函

江西旅京同鄉會致省外各處江西同鄉會函

江西旅京同鄉會致南昌學生聯合會函

江西旅京同鄉會致旅京贛民自治促進會函

江西旅京同鄉會致直隸豫吳巡閱使函

江西旅京同鄉會致直隸魯豫吳蘇皖贛齊巡閱使函

江西旅京同鄉會致前江西高等審判廳廳長陳經函

江西旅京同鄉會致陳彥通函

江西旅京同鄉會致直隸魯豫吳巡閱使電

◎議事紀要

江西旅京同鄉會職員會二月二十四日開會議決案

江西旅京同鄉會職員會三月二十三日開會議決案

江西旅京同鄉會大會三月三十日開會議決案

反對蔡成勳公賣煙土委員會三月三十一日開成立會議決案

反對蔡成勳公賣煙土委員會四月一日開第一次常會議決案

反對蔡成勳公賣煙土委員會四月四日開第二次常會議決案

反對蔡成勳公賣煙土委員會四月八日開第三次常會議決案

反對蔡成勳公賣煙土委員會四月十一日開第四次常會議決案

反對蔡成勳公賣煙土委員會四月十三日開臨時會議決案

反對蔡成勳公賣煙土委員會四月十五日開第五次常會議決案

反對蔡成勳公賣煙土委員會四月十八日開第六次常會議決案

反對蔡成勳公賣煙土委員會四月十九日開臨時會議決案

●●附錄

●律例

鴉片烟罪（現行刑律第二十一章）

禁種罌粟條例

嗎啡治罪條例

●命令

宣言書

江西旅京同鄉會反對蔡成勳公賣烟土勒種烟苗

宣言書

附江西拒毒局章程

嗚呼豺狼當道昔賢所以埋輪不前虎豹食人懦夫猶將扼腕而起自蔡成勳入甯以來於茲三稔吾贛人吞聲飲恨迄無一言以聞於世者以其罪惡昭著舉國皆知固無俟乎爲之表暴也今則不然其亂法營私之計竟愈出而愈奇其殘民以逞之惡且彌毒而彌巧外假拒毒之名內行賣土之實飾非成是倒行逆施竟欲一手掩蓋天下人之耳目以贛省爲銷土之商場以贛人爲宰割之魚肉吾贛人利害切膚悲憤填膺骨鯁在喉非吐不快今敢錐心泣血爲全國父老兄弟止告之查蔡成勳於上年冬間擬設拒禁毒品總局於南昌省城委乃弟蔡用勳爲總局長以王祖榮爲副局長以于璋爲襄辦以陳彥通爲坐辦以朱鸞言爲總科長以舒斌爲交際員訂立專章二十八條所定招商承包專運烟土分爲四處一由株潭入口二由城隍界入口三由九江入口四由德興入口每兩烟土納稅洋二角卽每百斤科稅洋三百二十元劃全省爲十四

區招商承包專賣區分甲乙丙三等給以憑單按月征稅甲等萬五千元乙等萬二千元丙等八千元又在各縣勒種烟苗名曰提倡實業栽種之後又從而罰之名曰烟苗罰款凡此種種是運烟賣烟種烟証據確鑿已無疑義且按該局章程內容一則曰爲籌辦軍餉起見再則曰令各鎮道各縣署各法團說明不得已之苦衷三則曰並出貼嚴禁告示以免外邦交涉是司馬昭之心路人皆知無煩詞費矣茲請明正其罪如下

一查吾國現行刑律第二十一章訂有鴉片烟罪又現行條例有嗎啡治罪條例有禁種罌粟條例蔡成勳身膺疆寄違犯刑章數罪俱發例須加等此應聲討者一也

二查本年一月二十八日今 大總統明令各省區長官凜遵歷次禁烟命令認真禁絕吾贛固號稱屬於中央政府者蔡成勳爲贛省軍民長官竟敢違抗明令擅開烟禁此應聲討者二也

三查中英續訂禁烟條約禁烟期限自民國六年業已屆滿贛省於民國五年經華洋委員會勸業報禁絕蔡成勳敢犯不韙破壞條約將來中英交涉禁烟責任問題萬國禁烟會質問禁烟資格何所藉口此應聲討者三也

四吸食鴉片嗎啡及紅丸白丸等毒品於社會健康人羣風紀在在有害莫大之害蔡成勳不惜以亡身敗家之毒品荼毒我贛人務使我贛人死無噍類而後已實人神之所共棄此應聲討者四也

概自亡清之季我國父老兄弟憤毒痛之無窮痛禍至之無日犧牲無限生命損失無數財產萬衆一心提倡烟禁內獲政府厲禁之實心外荷友邦贊助之美意而此根深蒂固之烟毒始有澄清澈底之希望不意天生妖孽造此浩劫復以水深火熱之虐加諸九死一生之餘坐使狂瀾既倒毒骸復張莽莽神州盡沈黑籍嗚呼同室有鬥勿辭纓冠披髮之勞舉國淪胥無復袖手旁觀之理邦人君子諒仲公憤敬布腹心伏維
明察

江西旅京同鄉會公叩

附江西拒毒局章程

請看蔡成勳包賣鴉片紅丸禍贖之鐵證

第一條 本省爲籌辦軍餉起見仿照各省先例設拒禁毒品總局於省城呈請軍民

兩署備案擇期開辦

第二條 本局開辦之前由軍民兩長通令各鎮道各縣署各法團說明不得已之苦

衷一體協辦並出貼嚴禁告示以免外邦交涉

第三條 本局設局長一人副局長一人坐辦一人襄辦若干人均由軍民兩長委任

之襄辦則由各鎮道兼任之

第四條 本局內設四科每科主任一人科員二人至四人均由正副局長擇妥員任

之

第一科 司文書收發兼庶務等事宜

第二科 司款項收支預算決算等事宜

第三科 交際及招攬承運專賣商人接洽各政紳公團商學報館等事宜

第四科 司印花運單憑照等事宜

第五條 本局得設名譽襄辦若干人無定額均由正副局長聘之

第六條 本局專香烟上嗎啡紅丸白丸及一切含有毒質物品等類

第七條 各處客軍法團均由 軍民兩長先期疎通務期收效

第八條 本局暫以舊制十三府一州分爲十四區

(甲) 第一區 南昌新建豐城進賢奉新靖安

(甲) 第二區 浮梁樂平德興

(乙) 第三區 上饒鉛山玉山弋陽貴谿橫峯廣豐

(甲) 第四區 九江德安湖口彭澤瑞昌

(甲) 第五區 吉安吉水泰和永新甯岡萬安永豐蓮花安福遂川

(乙) 第六區 萬載宜春萍鄉分宜

六縣

三縣

七縣

五縣

十縣

四縣

(乙) 第七區 贛州信豐龍南定南上猶崇義虔南安遠南康大庾 十縣

(丙) 第八區 瑞金石城甯都會昌零都興國鄒鄒 七縣

(乙) 第九區 鄱陽餘江餘干萬年 四縣

(乙) 第十區 臨川金谿東鄉宜黃崇仁樂安 六縣

(丙) 第十一區 南城南豐廣昌黎川資谿 五縣

(乙) 第十二區 高安上高宜豐 三縣

(甲) 第十三區 清江新淦新喻峽江 四縣

(丙) 第十四區 都昌安義星子銅鼓永修修水武寧及新建縣屬之吳城 七縣一鎮

並暫定二四五十三區為甲等第三六七九十二為乙等第八十一十四為丙等

每區招一商人承包專賣但區別等第得隨時酌情變更

第九條 甲等區每繳一萬五千元乙等區一萬二千元丙等區八千元由承包專賣

商人先交一月作為憑証稅以後按月先繳

第十條 每區一分局設正局長一人副局長一人襄理若干人局長由總局委任委

員充之以便隨時向所在地各軍政團體接洽及調用軍警等事副局長由

總局委任承包專賣商人充之襄理由總局委任各縣知事充之

第十一條

正局長及襄理薪金由本局發給副局長不支薪水但正局長及襄理不得干涉副局長專賣內事

第十二條

每區除隨時調用軍隊水陸法警外得設巡緝隊若干人薪工火食歸承包入自備不得過三十名

第十三條

各區分局一切開支得由正副局長按月列表呈請總局酌給

第十四條

專賣商人須由總局指定之承運處採貨專賣價格自定總局無涉

第十五條

區內各縣城及繁盛市鎮均由承包入派人辦理或分包他人

第十六條

拿獲私貨及私賣一切贓物人犯概行送當地縣署訊辦並照原價加二十倍罰現款其贓款以四分之一成償給眼綫四分之一成歸分區四分之一成歸總局

第十七條

承包期暫定六個月期滿亦可酌換領憑証連續辦理但短解稅款者不在此例

第十八條

承包專運暫分四處一由株潭入口銷售於袁州瑞州臨江南昌建昌撫州六府屬各專賣商人一由城隍界入口銷售於吉安南安贛州甯都四府屬各專賣商人一由九江入口銷售於九江南康二府屬各專賣商人一由德興入口銷售於廣信饒州二府屬各專賣商人每處招一妥實有

力商人承運

第十九條

承包專運商人由本局任爲巡查委員任期四個月期滿酌商續辦但期內進貨不及認定平均總數之半數者即須撤換

第二十條

每入口之處設一稽查處由本局委員爲稽查以便隨時調用軍警及貼印花費用歸本局開支

第二十一條

承運商人須先期酌定後列各條呈局核辦

(一) 每平均有若干進口

(二) 應撥若干軍隊專事保護

(三) 稅款由何處劃交須先期指定殷實店鋪擔保

(四) 指定銷路

(五) 指定堆棧地點

第二十二條

入口之貨由承運人咨當地稽查所過科貼印花每兩納稅洋二角卽應科每百斤納稅三百二十元但承運人轉收販商稅款總局無涉

第二十三條

入口之貨由承運人批價售於所轄各專賣商人總局無涉

第二十四條

四路印花顏色分灰黃白紅四種以示區別俾免彼此侵佔銷域

第二十五條

製貨稅款須於一月內交清

第二十六條

本章程係依照各省辦法略加更改

第二十七條

本章程呈請軍中兩長備案後實行

第二十八條

本章程如有未盡事宜得隨時改訂之

總局長

蔡用勳

坐辦

陳彥通

副局長

王祖燊

總科長

朱鶚言

襄辦

于璋

交際

舒斌

南昌學生聯合會宣言書

贛人不幸災禍連年商疲於途農輟於野生機幾盡呼籲無聞近復有流毒社會駭人聽聞之拒毒會以蹙其生而速其死嗚呼贛人何辜來此奇禍輿念及此五內爲摧鴉片爲萬國公禁稍有常識者莫不知之吾贛僻居腹地蔓延雖廣但年來禁令綦嚴輸入者亦漸次減少方冀日就刷新民疾可蘇當拒毒會成立之始敝會猶以爲政府著意澄清設司以專責成乃據近日情形殊覺出人意外查悉該局乃一變相之公賣鴉片機關拒毒而實召毒禁烟即以賣烟以致妖氛遍地毒骸漫天買賣公行寰球騰笑內促人種之滅亡外召強鄰之詰責是何心肝言之疾首省議會受三千萬人民之囑託當此生死關頭竟忍心無言甘爲利用誰鉗其口金錢萬惡敝會關懷桑梓哀此淪胥不惜大聲疾呼喚醒沈夢除呈請省長尅日撤銷該局實行嚴禁外合應瀝血詳告請 貴會本良心之主張羣起運動以圖自決庶能掃盡妖氛而清積毒掬淚陳詞

統希

毅察

南昌學生聯合會泣告

呈文

欽定大清會典事例

第一次上府呈文

二月二十二日

爲躡吏執法設局專賣鴉片懇祈 嚴令制止以全國信而重民命事竊惟鴉片一物禍害之大婦孺皆知禁令宜嚴約章所係洊更歲月未能盡絕根株失在因循蓋已大滋物議然私種私吸不過貽飲鳩止渴之譏私運私售者亦僅屬鼠竊狗偷之比環顧海內烟禁漸弛間有喪心病狂巧肆營私之技從無明目張膽敢以專賣爲名詎江西督理兼省長蔡成勳領疆圻者逾年兼軍民之兩政應如何遵循政令申明禁章庶幾止沸有抽薪之謀死灰無復燃之勢乃據蔡成勳所訂江西拒毒局章程名雖拒禁毒品實則設局專賣分甲乙丙三等而徵收置種運吸三禁於弗顧列歲收爲三百萬私謂軍餉之易籌分全省爲十四區惟恐流毒之弗廣舉紅丸白丸而兼收並蓄取之可謂盡錙銖藉官運官賣以因利乘便隨時皆能居奇貨極天下之不韙而蔡成勳獨冒之雖千天之所指而蔡成勳獨安之弁髦國法而損失國信侵漁利而荼毒民生貽患之深至斯而極同人等籍隸江右痛切剝膚再四思維難安緘默合亟鈔附江西拒毒局章程呈請

鈞院庫俯賜查察迅頒 明令嚴飭蔡成勳即日將拒毒局撤消並祈 遴派專員認

眞查禁以防陽奉陰違而期盪瑕滌穢至於鴉片販賣律有專條官吏觸犯罪應加等
 蔡成勳身膺疆寄干犯刑章應如何依法懲治之處事關政府威權同人等未敢擅擬
 伏維 鑒核施行不勝迫切待 命之至謹呈

大總統

國務總理

附呈江西拒毒局章程鈔底一件

江西旅京同鄉會呈

第一次上府院呈文

早爲封疆大吏違抗中央命令弁髦國際條約執法營私擅開烟禁環懇立予罷斥盡
 法嚴懲以肅國紀而平公憤事竊江西旅京同鄉會前以江西督理兼省長蔡成勳假
 籌餉名義創設拒毒局實行招商販賣烟土嗎啡紅白丸等毒品懇請嚴令制止一案
 環伺多日未蒙批示羣情惶惑莫名憤激謹再將該蔡成勳執法開禁之切實情形爲
 鈞座院詳陳之查禁烟事一自清宣統三年續訂中英條約後已成國際上不容含混
 之第一要政入民國後項城本其雄才大略汲汲維持國家體面及人道正義且以禁

絕屆期申令尤嚴當時各疆吏仰承風首對於吸食鴉片人犯至有以重辟相繩者風行草偃禁及山谷以故民國六年得以先後報絕雖其間未必無掩飾耳目之處而大體更新未聞外人責難之聲繼項城而起者不能奮發有爲日久玩生邊遠省分復有廢弛禁令之傳聞當今 大總統以勘定禍亂之功於民國十二年十月十日受全國人民愛戴出爲元首海內人民喁喁望治以爲項城之後能有實力擔當國家事者殊無出於今 大總統之右而今 大總統眷懷世變受任伊始凡有與民更新之事迭沛綸音本年一月二十八日復有盪滌瑕穢剷絕根株着各省區軍民長官切實督察勿得稍涉寬縱之禁烟明令九城傳誦四塞歡呼謂此等明令除獨立省分及潢池盜賊外疇敢違抗不意江西督理兼省長蔡成勳竟敢干茲不韙大賣烟土復恐其毒之未痛並將嗎啡紅丸白丸一律開禁意猶不足又復勒種烟苗課收煙稅在國家今日所懸爲厲禁者敢干犯之在邊省所不敢公然者敢公然之目無人民目無中央日無外交喪心病狂一至於此又復巧立其名曰拒毒局意以謂我名其拒我實其賣在人府外交未必不受其欺第本於全省義憤骨鯁在喉仍不得不將其內容一爲剖晰查拒毒局章程第一條云本省爲籌辦軍餉起見仿照各省先例設拒禁毒品總局於省城呈請軍民兩署備案擇期開辦第六條云本局專賣煙土嗎啡紅丸白丸及一切含

有毒質物品等類第八條云暫以舊制十三府一州分爲十四區其第二項云暫定一二四五十三區爲甲等第三六七九十二爲乙等第八十一十四爲丙等每區招一商人承包專賣第九條云甲等區每繳一萬五千元乙等區一萬二千元丙等區八千元由承包專賣商人先交一月作爲憑証稅以後按月先繳第十四條云專賣商人須由總局指定之承運處採貨專賣價格自定總局無涉第十五條云區內各縣城及繁盛市鎮均由承包人派人辦理或分包他人第十七條云承包期暫定六個月期滿亦可換領憑証連續辦理但短解稅款者不在此限第二十七條云本章程呈請軍民兩長備案後實行各等語是蔡成勳假借籌辦軍辦及拒禁毒品之名以行其專賣煙土嗎啡紅丸白丸之實核其章程已鐵案如山掩無可掩矣故一面設局定章一面任用蔡成勳爲總局長王祖榮爲副局長于璋爲襄辦陳彥通爲坐辦朱鵬言爲總科長舒斌爲交際員明目張胆設官分局一似督理二字中央非命爲督理軍務乃命爲督理煙務也者何狂悖乃爾如謂爲軍餉起見不得不有此權宜計劃無論江西正當稅收已足開支軍餉有餘縱有不然亦不宜干犯大禁蔑視外交以毒民政策施之於莊嚴燦爛之江西推其所極則殺人越貨綁票勒贖之事又何嘗不可假借籌餉之名倒行而逆施之乎尤有慨者該章程第一條不有依照各省先例一語乎究竟先例仿自何省雖不可知既曰各省則爲多數無疑查中央所轄省份除邊遠省份外耳目所及並未

見他省有此成例中央明令禁煙而蔡成勳敢謂仿自各省先例實行賣煙一似中央
敢縱他省先賣於前決不能禁止江西專賣於後者然是該蔡成勳不特誣讒各省且
敢視政府禁煙命令爲中央掩飾耳目之具其誣讒中央一至於此誣讒各省而各省
不生異議誣讒中央而中央置若罔聞萬一中英開談判禁煙責任萬國禁烟會質問
禁煙資格政府將何所藉口而折衝於壇坫是今日之容隱直爲異日外交困難之伏
案耳且查刑律上對於販賣鴉片明明具有專章而嗎啡治罪法草案亦經公布施行
蔡成勳干禁賣烟並將嗎啡紅丸白丸一律專賣其構成鴉片烟罪無疑其構成嗎啡
罪又無疑倘以其疆吏身分曲爲寬縱則不獨現在贖罪鴉片及嗎啡罪者概宜赦免
即法律所定鴉片嗎啡治罪各條亦應一律取銷法者天下所與共守者也不得其平
則社會冤抑鬱結之氣足以取侮而召亂矧禁煙一事在粵粵內經紳民之呼號外承
友邦之贊助備經險阻艱難始有民國六年之效果一旦覆而敗之敢以水深火熱之
苦加諸死一生之時不唯天下後世譏刺民國官吏曾亡國大夫之不若而滋憂難
圖且恐有亡國滅種之禍又豈僅江西人民之不幸乎爲此環懇 鈞座(院) 軫念江
西三千萬人民不堪荼毒並制止國際上危險退發 明令先將形同叛逆之江西督
理兼省長蔡成勳予以罷斥交由法庭從嚴懲辦一面嚴令拒毒局尅日撤銷重申禁
令從嚴剴絕庶足以懲貪頑而振國紀臨呈無任惶悚待命之至謹呈

大總統

國務總理

十六

江西旅京同鄉會

理事長符鼎升

第三次上國務院呈文

四月十九日

呈爲蔡成勳來電情虛罪實證據確鑿懇請立予罷斥盡法懲治以肅國紀而平公憤事本月十八日奉轉抄南昌蔡成勳銑電稱北京國務院鈞鑒昌密刪電敬悉查贛省地鄰粵恒有奸人私運毒品入境前擬設局嚴查以期禁絕乃奸商被罰造謠遠道傳聞失實轉致各方疑慮滋多早將該局撤消矣特電奉覆請釋塵念等因竊查該電所稱恒有奸人私運毒品入境前擬設局嚴查一節既云擬設明係擬而未設之詞局既未設何從撤銷若撤銷已成事實則所謂擬設者顯係朦混且蔡成勳公賣烟土之事不獨舉國皆知即鼎升等前謁總理時總理曾慨乎其言之往司法部請願時薛代部亦慨乎其言之而對於該督理包庇姻犯干涉司法獨立尤深憤慨何得謂奸商造謠何得謂遠道傳聞失實且拒毒美名也禁烟善政也果能拒種拒運拒吸贛人方

歡頌之不暇何嫌何疑而取銷之而况招商包賣業已數月勒種烟苗行將收割任何敏速未由取消此電明明係其畏罪情虛故爲欺人之語而不知此電不啻該蔡成勳公賣鴉片勒種烟苗之親供汪西三十萬人民爲自衛計爲身家性命計志在澄清毒禍刀鋸鼎鑊不知所避斷非空言所能搪塞爲此環懇 鈞院俯念贛人不堪荼毒迅將自認包賣烟土觸犯刑章之蔡成勳拿交法庭盡法嚴懲以儆兇頑而平公憤不勝迫切待命之至謹呈

國務總理

江西旅京同鄉會
理事長符鼎升

上 部 呈 文

外 交
內 務

四月十四日

呈爲封疆大吏違抗中央命令弁髦國際條約敬法營私擅開烟禁環懇嚴予制止盡法嚴懲以肅國紀而平公憤事竊查禁煙一事自清宣統三年續訂中英條約後已成國際上不容含混之第一要政入民國後項城本其雄才大略汲汲維持國家體面及人道主義且以禁烟屆期申令尤嚴當時各疆吏仰承風首對於吸食鴉片人犯至有以重辟相繩者風行草偃禁及山谷以故民國六年得以先後報絕雖其間未必無掩飾耳目之處而大體更新未聞責難之聲繼項城而起者不能奮發有爲日久玩生邊

遠省分復有廢弛禁令之傳聞本年一月二十八日令

大總統復有盪滌瑕穢剷絕根株着各省區軍民長官切實督察勿得稍涉寬縱之禁烟明令九城傳頌四塞歡呼謂此等明令除獨立省分及潢池盜賊外曷敢違抗不意江西督理兼省長蔡成勳敢干茲不違大賣烟土復恐其毒之未痛並將嗎啡紅丸白丸一律開禁意猶不足又復勒種烟苗課收烟稅在國家今日所懸爲厲禁者敢干犯之在邊省所不敢公然者敢公然之目無人民目無中央目無外交喪心病狂一至於此又復巧立其名曰拒毒局意以謂我名其拒我實其實在人民在中央在外交固莫予敢侮儘可欺弄之於吾股掌之上鼎升等痛切灼膚雖知政府外交未必不受其欺第於全省義憤骨鯁在喉不得不將其內容一爲剖晰查拒毒局章程第一條云本省爲籌辦軍餉起見仿照各省先例設拒禁毒品總局於省城呈請軍民兩署備案擇期開辦第六條云本局專賣烟土紅丸白丸及一切含有毒質品物等類第八條本局暫以舊制十三府一州分爲十四區其第二項云暫定一二四五十三區爲甲等第三六七九十二爲乙等第八十一十四爲丙等每區招一商人承包專賣第九條云甲等區每月繳一萬五千元乙等區一萬二千元丙等區八千元由承包專賣商人先交一月作爲憑証稅以後按月先繳第十四條云專賣商人須由總局指定之承運處採貨專賣價格自定總局無涉第七五條云區內各縣城及繁盛市鎮均由承包人派人辦理

或分包他人第十七條云承包期暫定六個月期滿亦可換領憑証連續辦理但短解稅款者不在此限第二十七條云本章程呈請軍民兩長備案後實行各等語是蔡成勳假借籌辦軍餉及拒禁毒品之名以行其專賣烟土嗎啡紅丸白丸之實核其章程已鐵案如山掩無可掩矣故一面設局訂章一面任用蔡用勳爲總局長王祖彥爲副局長于璋爲襄辦陳彥通爲坐辦張鵬言爲總科長舒斌爲交際員明目張膽設官分職一似督理二字中央非命爲督理軍務乃命爲督理烟務也者何其悖乃爾如謂爲軍餉起見不得不有此權宜計劃無論江西正當稅收已足開支軍餉有餘縱有不然亦不宜干犯大禁蔑視外交以毒民政策施之於莊嚴燦爛之江西推其所極則殺人越貨綁票勒贖之事又何嘗不可假借籌餉之名倒行而逆施之乎尤有慨者該章程第一條不有傲服各省先例一語乎究竟先例傲自何省雖不可知既曰各省則爲多數無疑查中央所轄各省份除邊遠省外耳目所及並未見他省有此成例中央明令禁止而蔡成勳敢謂仿自各省先例實行賣烟一似中央放縱他省先賣於前決不能禁止江西專賣於後者然是該蔡成勳不特誣巖各省且敢視禁烟命令爲中央掩飾耳目之具其誣巖中央一至於此誣巖各省而各省不生異議誣巖中央而中央置若罔聞萬一中英間談判禁烟責任萬國禁烟會質問禁烟資格政府將何所藉口而折衝於壇站是今日之容忍直爲異日外交困難之伏案耳且查刑律上對於販賣鴉

片明明具有專章而嗎啡治罪法草案亦經公布施行蔡成勳干禁賣烟並將嗎啡紅丸白丸一律專賣其構成鴉片烟罪無疑其構成嗎啡罪又無疑倘以其疆吏身分曲爲寬縱則不獨現在觸犯鴉片及嗎啡罪者概宜赦免即法律所定鴉片嗎啡治罪各條亦宜應一律取銷法者天下所與共守者也不得其平則社會冤抑鬱結之氣足以取侮而召亂矧禁烟一事在清季內經紳民之呼號外承友邦之協助備經險阻艱難始有民國六年之效果一旦覆而敗之敢以水深火熱之苦加諸九死一生之時不惟天下後世譏刺民國官吏曾亡國大夫之不若而滋蔓難圖且恐有亡國滅種之禍又豈僅江西人民之不幸乎爲此環懇 鈞部軫念江西三十萬人民不堪荼毒並制止國際上危險迅予（鈞部有遵奉明令厲行煙禁之責特懇軫念江西三十萬人民不堪荼毒）電飭該督理蔡成勳將拒毒局尅日撤銷重申禁令從嚴剴絕並祈具實轉呈 大總統迅發明令將違抗中央禁令 破壞條約 之蔡成勳立予罷斥交由法庭從嚴懲辦以儆官邪而肅國紀臨呈無任惶悚待命之至除分呈府院及內外陸法各部外謹呈外交總長（內務總長）

江西旅京同鄉會理事長符鼎升

上 部 呈 文

陸軍
司法

呈爲封疆大吏違抗中央命令弁髦國際條約飭法營私擅開烟禁環懇嚴予制止盡

法嚴懲以肅國紀而平公憤事竊查禁烟一事自清宣統三年續訂中英條約後已成國際上不容含混之第一要政入民國後項城本其雄才大略汲汲維持國家體面及人道主義且以禁烟屆期申令尤嚴當時各疆吏仰承風首對於吸食鴉片人犯至有以重辟相繩者風行草偃禁及山谷以故民國六年得以先後報絕雖其間未必無掩飾耳目之處而大體更新未聞責難之聲繼項城而起者不能奮發有爲日久玩生邊遠省分復有廢弛禁令之傳聞本年一月二十八日今大總統復有盪滌瑕穢剷絕根株着各省區軍民長官切實督察勿得稍涉寬縱之禁烟明令九城傳頌四塞歡呼謂此等明令除獨立省分及潢池盜賊外嚆敢違抗不意江西督理兼省長蔡成勳竟敢干茲不韙大賣烟土復恐其毒之未痛並將嗎啡紅丸白丸一律開禁意猶不足又復勒種烟苗課收烟稅在國家今日所懸爲厲禁者敢干犯之在邊省所不敢公然者敢公然之目無人民目無中央目無外交喪心病狂一至於此又復巧立其名曰拒毒局意以謂我名其拒我實其賣在人民在中央在外交固莫予敢侮儘可欺弄之於吾股掌之上鼎井等痛切灼膚雖知政府外交未必不受其欺第於全省議憤骨鯁在喉不得不將其內容一爲剖晰查拒毒局章程第一條云本省爲籌辦軍餉起見仿照各省先例設拒禁毒品總局於省城呈請軍民兩署備案擇期開辦第六條云本局專賣烟土紅丸白丸及一切含有毒質物品等類第八條本局暫以舊制十三府一州分爲

十四區其第二項云暫定一二四五十三區爲甲等第三六七九十二爲乙等第八十一十四爲丙等每區招一商人承包專賣第九條云甲等區每月繳一萬五千元乙等區一萬二千元丙等區八千元由承包專賣商人先交一月作爲憑証稅以後按月先繳第十四條云專賣商人須由總局指定之承運處採貨專賣價格自定總局無涉第十五條云區內各縣城及繁盛市鎮均由承包人派人辦理或分包他人第十七條云承包期暫定六個月期滿亦可換領憑証連續辦理但短解稅款者不在此限第二十七條云本章程呈請軍民兩長備案後實行各等語是蔡成勳假借籌辦軍餉及拒禁毒品之名以行其專賣烟土嗎啡紅丸白丸之實核其章程已鐵案如山掩無可掩矣故一面設局訂章一面任用蔡用勳爲總局長王祖堯爲副局長于璋爲襄辦陳彥通爲坐辦朱鶚言爲總科長舒斌爲交際員明呂張胆設官分職一似督理二字中央非命爲督理軍務乃命爲督理烟務也者何狂悖乃爾如謂爲軍餉起見不得不有此權宜計劃無論江西正當稅收已足開支軍餉有餘縱有不然亦不宜干犯大禁曩視外交以毒民政策施之於莊嚴燦爛之江西推其所極則殺人越貨綁票勒贖之事又何嘗不可假借籌餉之名倒行而逆施之乎尤有慨者該章程第一條不有依照各省先例乎究竟先例做自何省雖不可知既曰各省則爲多數無疑查中央所轄各省分除邊遠省外外耳目所及並未見他省有此成例中央明令禁烟而蔡成勳敢謂仿自各

省先例實行賣烟一似中央放縱他省先賣於前決不能禁止江西專賣於後者然是該蔡成勳不特誣巖各省且敢視禁烟命令爲中央掩飾耳目之具其誣巖中央一至於此誣巖各省而各省不生異議誣巖中央而中央置若罔聞萬一中英間談判禁烟責任萬國禁烟會質問禁烟資格政府何所藉口而折衝於壇坫是今日之容忍直爲異日外交困難之伏案耳且查刑律上對於販賣鴉片明明具有專章而嗎啡治罪法草案亦經公布施行蔡成勳干禁賣烟並將嗎啡紅丸白丸一律專賣其構成鴉片烟罪無疑其構成嗎啡罪又無疑倘以其疆吏身分曲爲寬縱則不獨現在觸犯鴉片及嗎啡罪者概宜赦免即法律所定鴉片嗎啡治罪各條亦應一律取銷法者天下所與共守者也不得其平則社會冤抑鬱結之氣足以取侮而召亂矧禁烟一事在清季內經紳民之呼號外承友邦之協助備經險阻艱難始有民國六年之效果一旦覆而敗之敢以水深火熱之苦加諸九死一生之時不惟天下後世譏刺民國官吏曾亡國大夫之不若而滋蔓難圖且恐有亡國滅種之禍又豈僅江西人民之不幸乎 鈞部有振肅軍紀（維持法紀）之責蔡成勳擅開烟禁干犯軍（涉司）法環懇具實轉呈大總統迅發明令將形同叛逆（觸犯刑章）之蔡成勳立予罷斥交由軍法審判處（法庭）從嚴懲辦以肅國紀而平民憤臨呈無任惶悚之至除分呈府院及內法（陸）外各部外謹呈

陸軍(司法)總長

江西旅京同鄉會理事長符鼎升

上蘇皖贛巡閱使呈文

呈爲江西督理兼省長蔡成勳違抗中央命令弁髦國際條約亂法營私擅開烟禁環懇具實糾參盡法嚴懲以肅國紀而平公憤事查禁烟一事自清宣統三年續訂中英條約後已成國際上不容含混之第一要政入民國後項城本其雄才大略汲汲維持國家體面及人道正義且以禁絕屆期申令尤嚴當時各疆吏仰承風首對於吸食鴉片人犯至有以重辟相繩者風行草偃禁及山谷以故民國六年得以先後報絕雖其間未必無掩飾耳目之處而大體更新未聞外人責難之聲繼項城而起者不能奮發有爲日久玩生邊遠省分復有廢弛禁令之傳聞當今大總統顧念民瘼憂深慮遠復於本年一月二十八日有蕩滌瑕穢剷絕根株着各省區軍民長官切實督察勿得稍涉寬縱之禁烟明令九城傳誦四塞歡呼謂此等明令除獨立省分及潢池盜賊外疇敢違抗不意江西督理兼省長蔡成勳竟敢干茲不韙大賣烟土恐其毒之未痛並將嗎啡紅丸白丸一律開禁意猶不足又復勒種烟苗課收烟稅在國家今日所懸爲厲禁者敢干犯之在邊省所不敢公然者敢公然之目無人民目無中央目無外交喪心病狂一至於此又復巧立其名曰拒毒局意以謂我名其拒我實其實在人民在

中央在外交固莫予敢侮儘可欺弄之於吾股掌之上鼎升等痛切灼膚雖知政府外交未必不受其欺第本於全省義憤骨鯁在喉不得不將其內容一爲剖晰查拒毒局章程第一條云本省爲籌辦軍餉起見仿照各省先例設拒禁毒品總局於省城呈請軍民兩署備案擇期開辦第六條云本局專賣烟土嗎啡紅丸白丸及一切含有毒質物品等類第八條本局暫以舊制十三府一州分爲十四區第二項云暫定一二四五十三區爲甲等第三六七九十二爲乙等第八十一十四爲丙等每區招一商人承包專賣第九條云甲等區每月繳一萬五千元乙等區一萬二千元丙等區八千元由承包專賣商人先交一月作爲憑証稅以後按月先繳第十四條云專賣商人須由總局指定之承運處採貨專賣價格自定總局無涉第十五條云區內各縣城及繁盛市鎮均由承包人派人辦理或分包他人第十七條云承包期暫定六個月期滿亦可換領憑証連續辦理但短解稅款者不在此限第二十七條云本章程呈請軍民兩長備案後實行各等語是蔡成勳假借籌辦軍餉及拒禁毒品之名以行其專賣烟土嗎啡紅丸白丸之實核其章程已鐵案如山掩無可掩矣故一面設局訂章一面任用蔡用勳爲總局長王祖燾爲副局長于璋爲襄辦陳彥通爲坐辦朱鵬言爲總科長舒斌爲交際員明自張胆設官分職一似督理二字中央非命爲督理軍務乃命爲督理烟務也者何狂悖乃爾如謂爲軍餉起見不得不有此權宜計畫無論江西正當稅收已足開

支軍餉有餘縱有不然亦不宜干犯大禁蔑視外交以毒民政策施之於莊嚴燦爛之江西推其所極則殺入越貨綁票勒贖之事又何嘗不可假借籌餉之名倒行而逆施之乎尤有慨者該章程第一條不有倣照各省先例一語乎究竟先例仿自何省雖不可知既曰各省則爲多數無疑查中央所轄省份除邊遠省份外耳目所及並未見他省有此成例中央明令烟禁而蔡成勳敢謂仿自各省先例實行賣烟一似中央放縱他省先賣於前決不能禁止江西專賣於後者然是該蔡成勳不特誣讒各省且敢視禁烟命令爲中央掩飾耳目之具誣讒中央一至於此誣讒各省而各省不生異議誣讒中央而中央置若罔聞萬一中英間談判禁烟責任萬國禁烟會質問禁烟資格政府將何所藉口而折衝於壇坫是今日之容隱直爲異日外交困難之伏案耳且查刑律上對於販賣鴉片明明具有專章而嗎啡治罪法案亦經公布施行蔡成勳干禁賣烟並將嗎啡紅丸白丸一律專賣其構成鴉片烟罪無疑其構成嗎啡罪又無疑倘以其疆吏身分曲爲寬縱則不獨現在觸犯鴉片及嗎啡罪者概宜赦免即法律所定鴉片嗎啡治罪各條亦應一律取銷法者天下所與共守者也不得其平則社會窳押鬱結之氣足以取侮而召亂矧禁烟一事在清季內經紳民之呼號外承友邦之贊助備經險阻艱難始有民國六年之效果一旦覆而敗之敢以水深火熱之苦加諸九死一生之時不惟天下後世譏刺民國官吏曾亡國大夫之不若而滋蔓難圖且恐有亡

國滅種之禍又豈僅江西人民之不幸乎况江西爲我 鈞座管轄區域蔡成勳述職
麾下病國殃民肆無忌憚揆之與我 鈞座視民如傷之意似亦不忍坐視江西三千
萬人民淪胥以盡爲此環懇 鈞座主持人道電飭蔡成勳將拒毒局即日停辦並祈
具實揭參盡法懲治以儆官邪而平公憤不勝惶恐待命之至伏祈 鑒核示遵謹呈
蘇皖贛巡閱使

江西旅京同鄉會理事長符鼎升

質問書

江西旅京同鄉會公請本省參議院議員符鼎升
提出江西督理蔡成勳公賣鴉片究竟政府事
前曾否許可現擬用何方法禁其實行如何予
以嚴懲質問書

爲質問事竊維鴉片一物病國殃民婦孺皆知我國不幸竟罹此毒致招萬邦之譏笑貽我民族之奇羞卒以國民覺醒奔走呼號友邦同情從旁協助政府遂決定禁煙期以十年復先後締結中英禁煙條約及萬國禁煙條約自此以後禁煙一事不惟民生所係亦且國信攸關政府宜如何嚴禁厲止以求永絕乃歲月迭更因循放任根株未盡流毒猶存近年以來尤形廢弛物議叢生責難迭至然尙不過飲鴆止渴之輩私種私吸鼠竊狗偷之徒私運私售從無敢冒天下之大不韙竟喪心病狂明目張膽公賣鴉片者有之自蔡成勳始蔡氏素性貪鄙自督理江西以來肆意搜括巧立名目無所

不爲繼兼民政益無忌憚竟異想天開於去年冬間在南昌設立拒毒總局漸次於各區設立分局假名拒毒實則係設局公賣鴉片白丸紅丸等毒物以取鉅款而飽私囊愚謀詳情有如下述

(一) 拒毒局以舊制十三府一州分爲十四區區復分爲甲乙丙三等屬於甲等者有第一第二第四第五第十三五區即南昌新建豐城進賢奉新靖安浮梁樂平德興九江德安湖口彭澤瑞昌吉安吉水泰和永新甯岡萬安永豐蓮花安福遂川清江新淦新喻峽江二十八縣是也屬於乙等者有第三第六第七第九第十第十二六區即上饒鉛山玉山弋陽貴谿橫峰廣豐萬載宜春萍鄉分宜贛州信豐龍南定南上猶崇義虔南安遠南康大庾鄱陽餘江餘十萬年臨川金谿東鄉宜黃崇仁樂安高安上高宜豐三十四縣是也屬於丙等者有第八第十一第十四三區即瑞金石城寧都會昌零都興國鄱鄔南城南豐廣昌黎川資谿都昌安義星子銅鼓永修修水武寧吳城十九縣一鎮是也每區招一商人承包專賣該商人須先繳一月憑証稅甲等區月繳一萬五千元乙等區月繳一萬二千元丙等區月繳八千元以後按月先繳商人繳款後須向總局指定之烟土承運處採貨專賣價格自定凡區內各縣城及繁華市鎮均由該承包人派人辦理或分包他人亦可以此贛省各地近來烟館林立吸食者衆無人敢阻此蔡成勳設局專賣烟土之情形也

(二)拒毒局現時所定承包專運烟土係分四處(一)由株潭入口銷售於袁州瑞州臨江南昌建昌撫州六府屬各專賣商人(二)由城隍界入口銷售於吉安南安贛州寧都四府屬各專賣商人(三)由九江入口銷售於九江南康二府屬各專賣商人(四)由德興入口銷售於廣信饒州二府屬各專賣商人每處招一妥實有力商人承運烟土入口時由承運人咨當地稽查所過料貼印花規定每兩納稅洋二角即每百斤科稅洋三百二十元四處所用印花不同分灰黃白紅四色以示區別而免彼此侵佔銷路各處入口烟土即由承運商人批價售於所轄各專賣商人上下其手具有全權與總局無涉惟承運人關於烟土各類銷路及堆棧地點與夫應撥若干軍隊專事護送各節須先酌定呈局核辦方可准行如遇有私運者一經查出照原價二十倍罰款以保證專利此蔡成勳設局專運烟土之情形也

(三)蔡成勳以其弟蔡用勳爲拒毒總局局長以其參謀王祖槩警察廳長于璋及陳彥通朱鶚言舒斌等分任副局長襄辦總科長交際各項要職復規定以鎮守使道尹兼任襄辦各縣知事分任各分區各分局襄理以軍隊擔任運送以警察分司稽查此蔡成勳驅使江西所有官吏軍警盡化爲買煙連煙之官吏軍警之情形也

夫贛省乃服從中央之省分也蔡成勳乃中央所任命之官吏也今蔡成勳於窮搜極刮之餘兵變天災之後光大化日之下胆敢違背中央之禁令破壞國家之信用蔑視

國民之人格剝奪贖人之生命公然設局專賣專運鴉片紅丸白丸諸毒物其罪人
 得而誅之其肉人人得而食之况主持全國之政務責無旁貸之政府乎政府如願維
 持國家體面保存國際信用尊重本身責任早應一面罷斥蔡氏加以嚴懲一面禁其
 惡謀之實行乃數月以來對於此事僅見報紙之紀載人民之呼號外人之責難而政
 府反置若罔聞視若無事聽蔡氏之猖狂任奸人之播毒豈蔡氏事先已呈報政府取
 得同意乎抑見疆吏驕橫不敢過問因而默認乎誠不能令人無疑亦非舉世所望於
 政府也究竟政府對於蔡成勳公賣鴉片事先曾否許可現擬用何方法禁其實行並
 如何與以嚴懲以儆官邪之處謹依憲法提出質問限政府於五日答復

提出者 符鼎升

連署者

李自芳

鍾天游

吳 訥

宋 楨

蔣舉清

楊 擇

劉 嵩 佺

姚 華

李正陽

何 畏

李恩 錫

潘訓 初

童抗時

劉映 奎

劉以 芬

李兆 年

陳祖烈

張魯 泉

趙世 鈺

李述 膺

蔡復 靈

查辦案

海禁雜誌

江西旅京同鄉會公請本省衆議院議員黃序鵬
提出江西督理兼省長蔡成勳公賣煙土勒種
烟苗違法殃民咨請政府查辦案

爲江西督理兼省長蔡成勳公賣煙土勒種罌粟違法殃民咨請政府查辦事竊維鴉片之害甚於洪水猛獸流毒中國垂斃十年騰笑萬邦重爲國慘遜清之季內得國民之呼號外賴友邦之協助計期禁絕限以十年以致中英禁煙條件萬國禁煙公約先後締結中外差無訾議共和代興政府厲行前禁三令五申民國六年禁絕期滿凡我國人允宜矢誠遵守冀絕根株以渝前耻詎江西督理兼省長蔡成勳貪婪成性蒞贛以來肆意搜括暴斂橫征政虐如虎上年曾經本院列舉罪狀咨請政府查辦在案乃政府對於前案查辦是否終結久未咨覆致令蔡成勳逍遙事外日加猖獗近更異想天開陽假官符陰揚毒燄竟於去年冬間設拒禁毒品總局於南昌省城漸次設分

局於各區觀其名義察其文告非不娓娓可聽也乃考其實際黑幕重重大有不然蓋蔡成勳以拒禁毒品爲手段而公賣煙土嗎啡紅丸白丸及一切含有毒質物品與夫勒種罌粟乃其目的耳該局開辦伊始密訂專章二十八條散布爪牙扶同舞弊以乃弟蔡用勳爲總局局長以王祖孳于璋陳彥通朱鵬言舒斌等分司副局長襄辦坐辦總科長交際員各項要職以各鎮守使各道尹兼任襄辦以各縣知事分任各區各分局襄理以軍隊擔任運送以警察分司巡查勢將使江西之官吏盡變爲賣煙運煙種煙之官吏江西之軍警盡化爲賣煙運煙種煙之軍警意有未盡近更欲箝制贛人收買輿論勾引各界劣紳及不肖議員溝通一氣朋分賄賂助桀爲虐豺狼當道白晝食人橫行無忌民瘼不足恤也人道不足重也國法不足畏也邦交不足顧也自以爲賸削得計幾秦日充一歲收入達千百萬嗟呼贛人之脂膏已竭廬山之面目頓失疆吏之無良一至於此尙復知人間有羞耻事耶此而可忍孰不可忍茲將其內情分別言之如左

(一) 專賣煙土 查該總局以舊制十三府一州分爲十四區內分甲乙丙三等
一 甲等區爲第一第二第四第五第十三五區即南昌新建南城進賢奉新靖安浮梁樂平德興九江德安湖口彭澤瑞昌吉安吉水泰和永新寧岡萬安永豐蓮花安福遂川清江新塗新喻峽江二十八縣是也
二 乙等區爲第三第六第七第九第十第十

二六區卽上饒鉛山玉山弋陽貴谿橫峯廣豐萬載宜春萍鄉分宜贛州信豐龍南定南上猶崇義虔南安遠南康大庾鄱陽餘江餘干萬年臨川金谿東鄉宜黃崇仁樂安高安上高宜豐三十四縣是也 二二丙等區爲第八第十一第十四三區卽瑞金石城寧都會昌雩都興國鄱南城南豐廣昌黎川資谿都昌安義星子銅鼓永修修水武寧及新建縣屬之吳城十九縣一鎮是也每區由總局招一商人承包專賣該商人須先繳一月憑証稅甲等區每區月繳一萬五千元乙等區每區月繳一萬二千元丙等區每區月繳八千元以後按月先繳商人繳款之後須向總局指定之烟土承運處採貨價格自定凡區內各縣城及繁華市鎮均由該承包人派人辦理或分包他人亦可以故贛省各處近來煙館林立吸食者衆無人敢阻此應請查辦者一也

(二)專運烟土 查該總局現時所定承包專運烟土分爲四處(一)由株潭入口銷售於袁州瑞州臨江南昌建昌撫州六府屬各專賣商人(二)由城隍界入口銷售於吉安南安贛州寧都四府屬各專賣商人(三)由九口入口銷售於九江南康二府屬各專賣商人(四)由德興入口銷售於廣信饒州二府屬各專賣商人每處招一妥實有力商人承運煙土入口時由承運人咨當地稽查所過科貼印花規定每兩納稅洋二角卽百斤科稅洋三百二十元四處所用印花不同顏色分灰黃白紅四種以示區別免至彼此侵佔銷路各處入口煙土卽由承運商人批價售於所轄各專賣商人上

下其手具有全權與總局無涉惟承運人關於烟土各類銷路及堆棧地點與夫應撥若干軍隊專事送護各節須先期酌定呈局核辦方可准行此外遇有私運者一經查出照原價加二十倍罰款藉得專利此應請查辦者二也

(三)勒種罌粟 查該局以爲製造鴉片其利過於專賣專運欲圖製造自非勒民栽種罌粟不可近據贛南鄱縣士紳報告該縣山多田少向未種烟去冬該縣知事余煥文由省局運到大批烟苗種子名曰實業種料勒令鄉民領種領種之後乃從而稅之名曰烟苗罰款該縣應繳該項稅款原定每年三萬元旋因地方貧苦改爲四千二百元全縣分爲七區每區六百元限兩期繳清以去年十二月至今今年正月爲第一期自正月十六日至二月十五日爲第二期各戶有緩繳者即派員統兵十名按戶嚴索員兵每人每日伙食大洋八角均由欠戶供給鄉民有不種烟者亦課稅與種烟者等云鄱縣爲江西最小縣分其烟苗之收入如此其他大縣分不言可知一縣之勒種騷擾如此其他各縣亦不言可知此應請查辦者三也

綜以上三項言之是蔡成勳之公賣烟土勒種罌粟顯有明證凡我贛省數千萬人民同在水深火熱之中奔走相告宣言抵制近日全省旅京同鄉且有反對蔡成勳公賣烟土委員會之設專事聲討深恐報紙流傳外人聞之惹起重大之交涉近聞各國對於吾國烟禁廢弛即擬提出警告若不設法制止遺誤國家不小查現行刑律第二十

一章規定鴉片烟罪蔡成勳實犯有該章第二百六十六條第二百六十九條第二百七十條各條之教唆罪似此違法殃民理合咨請政府迅派廉明公正大員馳赴贛垣嚴切查明主犯蔡成勳共犯蔡川勳等所犯各罪按律懲辦方足以儆奸邪而肅法紀本員現受贛省公民之付託謹依法提出查辦案是否有合敬候
公決

提出者 黃 序 鰓

連署者

李式璠 王 侃 羅家衡

呂 復 符詩鏞 王紹鑿

楊肇基 汪秉忠 萬 鈞

彭學浚 張則川 劉 彥

謝越石 鄧 元 黃攻素

四月二十五日下午三時衆議院開會到場人數三百零八人起立者二百五十九人
大多數通過

訴狀

上北京總檢察廳訴狀

爲蔡成勳等販運鴉片勒種罌粟懇請嚴令所屬檢察官分別偵查依法起訴或聲請移轉管轄事 查鴉片罪犯新刑律訂有正條彈劾豪強原告官自有專責蔡成勳自督理江西以來巧立名目肆意搜括嗣兼任省長益復肆無忌憚於去年冬間在南昌設立拒毒總局並分區設立分局販運鴉片遇有向未種烟之縣分則分發大批烟苗種子勒令人民領種謂之實業如有不種者其課稅與種烟者等曾經旅京同鄉覓得江西拒毒局章程及鄱陂縣紳士來函種種鐵証向南昌地方檢察廳狀訴在案乃迄今一週尙無消息誠恐該檢察廳處於軍閥積威之下不敢行使職權故不得不請求上級檢察廳嚴令所屬檢察廳勿畏強禦開始偵查依法起訴或聲請移轉管轄茲將蔡成勳等賣烟運烟種烟之罪狀爲我 總檢察長詳細陳之

(一)拒毒局以舊制十三府一州分爲十四區區分甲乙丙三等屬於甲等者有第一第二第四第五第十三五區即南昌新建豐城進賢奉新靖安浮梁樂平德興九江德

安湖口彭澤瑞昌吉安吉水泰和永新寧岡萬安永豐蓮花安福遂川清江新淦新喻
峽江二十八縣是也屬於乙等者有第三第六第七第九第十第十二六區即上饒鉛
山玉山弋陽貴谿橫峯廣豐萬載宜春萍鄉分宜贛州信豐龍南定南上猶崇義虔南
安遠南康大庾鄱陽餘江餘干萬年臨川金谿東鄉宜黃崇仁樂安高安上高宜豐三
十四縣是也屬於丙等者有第八第十一第十四三區即瑞金石城甯都會昌雩都興
國鄱鄔南城南豐廣昌黎川資谿都昌安義星子銅鼓永修修水武甯吳城十九縣一
鎮是也每區由總局招一商人承包專賣該商人須先繳一月憑証稅甲等區月繳一
萬五千元乙等區月繳一萬二千元丙等區月繳八千元以後按月先繳商人繳款後
須向總局指定之烟土承運處採貨專賣價格自定凡區內各縣城及繁華市鎮均由
該承包人派人辦理或分包他人亦可以故贛省各地近來烟館林立吸食者衆無人
敢阻此蔡成勳設局專賣烟土之情形也

(一)拒毒局現時所定承包專運烟土係分四處(一)由株潭入口銷售於袁州瑞州臨
江涇昌建昌撫州六府屬各專賣商人(二)由城隍界入口銷售於吉安南安贛州甯
都四府屬各專賣商人(三)由九江入口銷售於九江南康二府屬各專賣商人(四
一)由德興入口銷售於廣信饒州二府屬各專賣商人每處招一妥實有力商人承運
烟土入口時由承運商人咨當地稽查所過科貼印花規定每兩納稅洋二角即每百

斤科稅洋三百二十元四處所用印花不同分灰黃白紅四色以示區別而免彼此僥佔銷路各處入口煙土即由承運商人批價售於所轄各專賣商人上下其手具有全權與總局無涉惟承運人關於煙土各類銷路及堆棧地點事與夫應撥若干軍隊專事護送各節須先期酌定呈局核辦方可准行如遇有私運者一經查出照原價二十倍罰款以保證專利此蔡成勳設局專運煙土之情形也

三查鄰鄉爲江西最小縣分山多田少向未種煙該縣旅京紳士曾有瀾磨漢前接家函據稱去冬縣知事余煥文忽運到大批煙苗種子名曰實業種料勒令鄉民領種復從而稅之名曰煙苗罰款原訂每年稅額三萬元旋因地方貧瘠改爲每月一期兩月共繳四千二百元全縣七區每區六百元限兩期繳清以去年十二月至今年正月十五日爲第一期自十六日起至二月十五日爲第二期各戶有緩繳者即派員統兵十名按戶嚴索員兵每日每人伙食大洋八角均由欠戶供給鄉民有不種煙者亦課稅與種煙者等云云有曾瀾（住北京西珠市口贛寧老館）鄰磨漢（住北京宮門口頭條三號）可以爲証小縣如此其餘中縣大縣可想而知此蔡成勳分令各縣勒令鄉民栽種罌粟騷擾地方之情形也

夫江西乃服從中央之省分也蔡成勳乃中央特任之省長也今乃以其弟蔡用勳爲拒毒總局局長以其參謀長土祖榮警察廳長于璋及陳彥通朱鵬言舒斌等分任副

吏長襄辦坐辦總科長交際各項要職復規定以各鎮守使道尹兼任襄辦各縣知事
外任各區各分局襄理以軍隊擔任運送以警察分司稽查驅使江西全省所有官
局軍警盡化爲種煙賣煙運煙之奸商如果拒毒屬實何必說明不得已之苦衷而免
分人交涉如果設局嚴禁何必因奸人之造謠遽將該局撤消其爲情虛畏罪欲蓋彌
彰毫無疑義似此違法殃民顯犯暫行新刑律第二百六十六條第二百六十七條第
二百六十八條第二百七十條之罪且貪官污吏明知故犯尤當按律痛懲雖軍閥豪
強極爲橫暴然檢察官苟能執法不阿彈劾犯罪雖有時該檢官自身或蒙不利而社
會之安甯得以保全人民之權利受其庇護范金鑄像舍彼其誰況懲罰犯罪爲國家
之權責檢察官代表國家允宜隨事隨時特加注意如犯罪事實微見端倪即應偵查
糾舉無忝厥職縱使刑事案件人民有時或不願出而告訴告發然檢查官原爲代表
國家而設自應行使職權進而自行搜檢不得希圖省事尸位素餐且司法部迭經訓
令對於刑事案件務須勵行檢舉用副有罪必罪之意當此橫流四溢人心滔溺之秋
吾民猶有一線之希望者惟保障人權維持法律之法官而已 貴廳爲全國檢察最
高機關必能統率各級檢察官依法檢舉伏望 嚴令江西高等檢察廳轉令南昌地
方檢察廳分別偵查依法起訴或聲請移轉管轄立提嚴究以警官邪而維國法實爲

德便謹呈

總檢察廳總檢察長汪

附呈江西拒毒局章程一紙蔡成勳來電二紙

具狀人江西旅京同鄉會理事長符鼎升

上南昌地方檢察廳訴狀

爲蔡成勳等假名拒毒實行販運鴉片並勒種罌粟懇請分別偵查依法起訴事查鴉片罪犯刑律具有正條官吏違法處斷尤宜從重蔡成勳自督理江西以來巧立名目肆意搜括嗣兼任省長益無忌憚於去年冬間在南昌設立拒毒總局并分區設立分局販運鴉片遇有向未種煙之縣分則分發大批煙苗種子勒令人民領種謂之實業如有不種者其課稅與種煙者等茲覓得鄱陽縣紳士來函及江西拒毒局章程種種鐵証爲檢察長詳細陳之

(一)查鄱陽爲江西最小縣分山多田少向未種煙該縣旅京紳士曾有瀾磨漢前接家函據稱去冬縣知事余煥文忽運到大批煙苗種子名曰實業種料勒令鄉民領種復從而稅之名曰煙苗罰款原訂每年稅額三萬元旋因地方貧瘠改爲每月一期兩月共繳四千二百元全縣七區每區六百元限兩期繳清以去年十二月至今年正月十五日爲第一期自十六日起至二月十五日爲第二期各戶有緩繳者即派員統

兵十名按戶嚴索員兵每日每人伙食大洋八角均由欠戶供給鄉民有不種煙者亦課稅與種煙者等云云有曾有瀾 住北京西珠市口贛甯老館（鄺摩漢）住北京宮門口頭條三號一可以爲証小縣如此大縣可想而知此蔡成勳分令各縣勒令鄉民栽種罌粟之情形也

（二）拒毒局以舊制十三府一州分爲十四區區分爲甲乙丙三等屬於甲等者有第一第二第四第五第十三五區卽南昌新甯豐城進賢奉新靖安浮梁樂平德興九江德安湖口彭澤瑞昌吉安吉水泰和永新甯岡萬安永豐蓮花安福遂川清江新淦新喻峽江二十八縣是也屬於乙等者有第三第六第七第九第十第十二六區卽上饒鉛山玉山弋陽貴谿橫峯廣豐宜春萬載萍鄉分宜贛州信豐龍南定南上猶崇義廣南安遠南康大庾鄱陽餘江餘干萬年臨川金谿東鄉宜黃崇仁樂安高安上高宜豐三十四縣是也屬於丙等者有第八第十一第十四三區卽瑞金石城寧都會昌雩都興國鄱鄔南城南豐廣昌臨川資谿都昌安義星子銅鼓永修修水武甯吳城十九縣一鎮是也每區由總局招一商人承包專賣該商人先繳一月憑証稅甲等區月繳一萬五千元乙等區月繳一萬二千元丙等區月繳八千元以後按月先繳商人繳款後須向總局指定之煙土承運處採貨專賣價格自定凡區內各縣城及繁華市鎮均由該承包人派人辦理或分包他人亦可以此贛省各地近來煙館林立吸食者衆無人

較阻此蔡成勳設局專賣煙土之情形也

(一)拒毒局現時所定承包專運煙土係分四處(一)由株潭入口銷售於袁州瑞州
臨江南昌建昌撫州六府各專賣商人(二)由城隍界入口銷售於吉安南安贛州甯
都四府屬各專賣商人(三)由九江入口銷售於九江南康二府屬各專賣商人(四)
由德興入口銷售於廣信饒州二府屬各專賣商人每處招一妥實有力商人承運煙
土入口時由承運人咨當地稽查所過科貼印花規定每兩納稅洋二角卽每百斤科
稅洋三百二十元四處所用印花不同分灰黃紅白四色以示區別而免彼此侵佔銷
路各處入口煙土卽由承運商人批價售於所轄各專賣商人上下其手具有全權與
總局無涉惟承運人關於煙土各類鐵路及堆棧地點與夫應撥若干軍隊專事護送
須先期酌定呈局核辦方可准行如遇有私運者一經查出照原價二十倍罰款以保
証專利此蔡成勳設局專運煙土之情形也

夫江西乃服從中央之省分也蔡成勳乃中央特任之省長也今乃以其弟蔡用勳爲
拒毒總局局長以其參謀長王祖燾警察廳長于璋及陳彥通朱鵬言舒斌等分任副
局長襄辦坐辦總科長交際各項要職復規定以各鎮守使道尹兼任襄辦各縣知事
分任各分區各分局襄理以軍隊擔任運送以警察分司稽查驅使江西全省所有官
吏軍警盡化爲種烟賣烟運烟之奸商顯犯暫行新刑律第二百六十六條第二百六

十七條第二百六十八條及第二百七十條之罪應即分別查明各被告人犯罪事實依法起訴已無疑義而況官吏明知故犯尤當按律痛懲無可原情伏望立提嚴究以警官邪而維國法再檢察官之職權在代表國家遇有犯罪事件應以職權開始偵查依法檢舉即所謂國家公訴獨占權是也雖軍閥豪強極其橫暴然檢査官苟能不畏強禦彈劾犯罪縱有時自身或蒙不利而社會之安寧得賴以保全人民之權利得受其庇護其受賜已非淺鮮矧最近司法部復經訓令總檢察長嚴令所屬各級檢察官對於刑事事件勵行檢舉用副有罪必罪之意故敢懇請檢察長據刑訴條例第二百五十七條分別偵查依法起訴實爲公便謹呈

南昌地方檢察廳檢察長

具狀人江西旅京同鄉會理事長符鼎升

中華民國二十一年三月十三日

函 電

貴會鑒

致萬國拒毒總會函

敬啟者報載蔡成勳在贛設立拒禁毒品局公賣鴉片以遂其壟斷之私聞信之始猶以爲蔡成勳違法殃民或不至於如此其極待閱其拒毒局章程劃八十一縣爲十四區區設分局招商運包賣包並許調軍警護送及搜查私貨始信其名曰拒毒實則專賣敝會爲人類幸福計爲切身利害計曾經開會議決通電反對 貴會爲禁毒重要機關對於蔡氏違法播毒之行爲料必早有所注意也茲寄上該項章程一份敬希察閱此頌

公綏

江西旅京同鄉會啟三月十三日

第二次致萬國拒毒總會函

逕啟者蔡成勳違法設局公賣鴉片敝會曾具函報吉 貴會並派代表陳述一切請

早注意竊維蔡氏此種謬舉有關贛人死用於四月十二日召集旅京全體同鄉向
府院請願茲將雙方交涉結果分述如下

府方 總統因患牙痛由周夢賢指揮便代為接見先出敝會所派代表說明蔡氏
公賣鴉片種種證據及要求總統嚴令制止並依法懲辦後周謂總統對於蔡成勳設
局賣烟事早有所聞現在正籌備處置辦法大約二五日內定有圓滿答覆致江西會
館請貫同鄉稍待數日余今日當將諸位意見轉陳總統云云

院方 敝會代表見孫總理時即謂前此曾將蔡成勳公賣鴉片及他種禍贛事實
列呈總理未審總理曾言萬日故今特再將新近公賣鴉片勒種罌粟之事實一詳陳
之乞哀我子遺母使蹈亡種之慘禍繼由敝會派赴江西調查專員熊闢周詳細陳述
勒稅勒種之狀況孫揆大怒謂蔡虎臣實屬過於荒唐余當即日呈明總統懲辦云云
貴會爲禁煙重要機關用特報告尙希注意爲荷此致

萬國拒毒總會

江西旅京同鄉會啟 四月十四日

致各報館函

逕啟者江西督理蔡成勳自入贛以來倒行逆施層見疊出贛人久已奔走呼號聲嘶

力竭力求罷免無如歷任當局隱忍不決迄未施行近蔡氏又復逞其禍贛毒計設立拒毒局假名拒絕禁制毒物以實行其壟斷專賣之私查鴉片一物中央屢申嚴禁之令文萬國復有禁煙會之組織乃蔡氏不顧國際信用民生利害竟違法設局招商包實並許調用軍警護送及搜查私貨弁髦國法貽害人民莫此爲甚敝會日前開會議決一致聲討除用其他方法反對外並備文向府院呈請嚴行禁止素仰 貴報熱心公益指導人民作暗室之明燈嚴口誅與筆伐用將該拒毒局章程抄錄於左幸賜披露贛人幸甚此請 撰安

江西旅京同鄉會啟三月十八日

致贛籍兩院議員函

逕啟者蔡成勳設局專賣鴉片嗎啡紅丸白丸等禍贛之罪罄竹難書前經 諸公去電詰責猶復飾詞狡辯奈事實具在決難以一手掩天下日本會日前開大會時議決公推參議員符君鼎升提出質問書衆議員黃君序鶴提出查辦案並公推 諸公協力進行茲特託漆剛陞厚嘉董開懋謝尊頤四君造府祇謁乞於提案內分別予以連署不勝盼禱此頌

江西旅京同鄉會啟四月十日

致省議會函

逕啟者自蔡成勳假名拒毒公賣鴉片嗎啡紅丸白丸後凡我贛人靡不奔走呼號以圖救國救鄉斬此大患

貴會爲人民代表且近在咫尺竟無一言爲三千萬父老兄弟請命殊爲旅外同鄉之所不解茲特寄上敝會宣言書一百四十份請卽轉達 貴會諸君聯絡同志立予提出彈劾案以廣聲援臨穎無任盼禱此致

江西省議會

江西旅京同鄉會啟四月十八日

致各處江西同鄉會函

逕啟者蔡成勳於去歲設立拒毒局以拒毒爲名實行公賣鴉片並勒種煙苗敝會自得悉真象後卽迭次開會討論積極反對方法現已辦理者計如下列（一）備文向府院及內陸法外交各部呈請嚴令制止（二）發表宣言請國人援助（三）由參院議

員符鼎升向政府提出質問書衆院議員黃君序鵬提出查辦案(四)函致萬國拒毒總會報告一切請其注意(五)由本會代表符君鼎升向南昌檢察廳及北京總檢察廳控告蔡成勳等(六)由旅京全體同鄉向院請願(七)函請洛吳蘇齊主持公道(八)招待新聞記者說明一切至此後進行方針敝會只有全力奮鬥堅持到底而已惟獨力難支衆擎易舉貴會關懷桑梓對於蔡氏此次公賣鴉片勒種煙苗之謬舉定具同仇之心敬希即日羣起運動一致聲討蔡氏雖惡政府雖懦當亦不能不稍有所顧忌也附奉敝會宣言書及查辦案各一件請察閱此頌

公綏

江西旅京同鄉會啓四月十四日

致南昌學生聯合會函

逕啟者蔡成勳於客歲設立拒毒局以拒毒爲名實行公賣鴉片並勒種煙苗敝會自得悉真象後即迭次開會討論積極反對方法現已辦理者計如下列(一)備文向府院及內陸法外各部呈請嚴令制止(二)發表宣言請國人援助(三)由參院議員符君鼎升提出質問書衆院議員黃君序鵬提出查辦案(四)函致萬國拒毒總會報告一切請其注意(五)由本會代表符君鼎升向南昌檢察廳及北京總檢察廳控告

蔡成勳等(六)由旅京全體同鄉向府院請願(七)函請洛吳蘇齊主持公道(八)招待新聞記者說明一切至此後進行方針敝會只有全力奮鬥堅持到底而已項見實會關於此事之宣言書故持將敝會辦理情形奉聞並附奉敝會宣言書及查辦案各一件請察閱此致

南昌學生聯合會

江西旅京同鄉會啓四月十六日

致旅滬贛民自治促進會函

旅滬贛民自治促進會諸公均鑒蔡成勳販賣煙土播播毒社會神人共憤敝會前經開會議決一致聲討除發言反對及備文向府院呈請嚴令禁止外務望諸公始終畢力不達禁止目的不已至如何進行尙希隨時見教爲禱

江西旅京同鄉會啓三月十三日

致洛陽吳巡閱使函

巡帥鈞鑒前奉佳電計邀明察竊惟贛人當備受蔡督理苛斂之餘復遭大開烟禁勸種烟苗之禍創鉅痛深忍無可忍前電倉猝未盡所懷茲再爲鈞座詳陳之查蔡成勳入贛以來於今三稔迭以籌餉名義清理積欠提征新租積威所至恣行無忌復敢拍

賈氏產濫發鈔票傾征暴賦無微不至江四非獨立省分蔡成勳係中央特任官吏乃倒行逆施以贛人爲羊割之魚肉視贛省殖民地之不若贛人怵於積威之下不能不吞聲飲恨姑蓄其側目道路之怨不意殘民以逞之謀愈出愈奇竟有出於大理人情之外者上年冬間忽創設拒禁毒品總局於南昌省城委乃弟蔡用勳爲總局長以王祖墜爲副局長以于璋爲襄辦以陳彥通爲坐辦以朱鸚言爲總科長以舒斌爲交際員訂立章程二十八條所定招商承包烟土分爲四屬一由株潭入口二由城隍界入口三由九江入口四由德興入口每兩烟土納稅洋二角即每百斤科現洋三百二十元劃全省爲十四區招商承包專賣區分甲乙丙三等給以憑單按月征稅甲等萬五千元乙等萬二千元丙等八千元又在各縣勸種煙苗名曰提倡實業栽種之後又從而罰之名曰煙苗罰款凡此種種是連煙賣煙種煙之証確鑿已無疑義且按該局章程內容一則曰爲籌辦軍餉起見再則曰令各鎮道各縣署各法團說明不得已之若衷三則曰出貼嚴禁告示以免外邦交涉假名拒毒實行公買司馬昭之心路人皆知固不能以一手掩蓋天下人之耳目矣竊慨鴉片之害烈如洪水猛獸亡清之季熱心志士憤毒癩之無窮禍至之無日犧牲無限生命損失無數財產萬衆一心提倡煙禁內獲政府厲禁之實心外荷友邦贊助之美意始於宣統三年續訂中英條約限至西歷一千九百十一年全國禁絕入民國後禁令廢弛時道外人非議今大總統於本年

一月二十八日復有盪滌邪穢剷絕根株之禁煙明令九城傳誦四塞歡呼謂此等明令除獨立省分及潢池盜賊外疇敢不遵不意祭成勳竟敢弄髦明令蔑視國際條約散法營私肆無忌憚復以水深火熱之苦加諸九死一生之餘狂瀾既倒毒燄復張禍變所至足以牽涉外交動搖國本擾亂公共安甯破壞社會秩序又豈僅江西四三十萬人民死無噍類而後已乎同人等利害切膚悲憤填膺爲江西三十萬人民請命刀鐮鼎鑊不知所避特以鈞座功在一時志在百世仰測視民如傷之心斷無譏笑而道之理除分呈府院部暨法庭外不揣冒昧環懇州持正義電請政府立派公正嚴明大員切實查辦並將形同叛逆之江西督埋兼省長蔡成勳盡法懲治以儆官邪而平公憤錐心泣血不勝迫切待命之至鵠候訓示敬呈

鈞鑒

江西旅京同鄉會啟四月十八日

致巡閱使函

洛陽吳江蘇齊

巡帥鈞鑒前函計邀明察本月十八日奉國務院轉抄南昌蔡成勳銑電稱北京國務院鈞鑒昌密刪電敬悉查贛省地鄰湘粵恒有奸人私運毒品入境前擬設局嚴查以期禁絕乃奸商被罰造謠遠道傳聞失實轉致各方疑慮滋多早將該局撤銷矣特電

奉覆請釋庫念等因竊查該電所稱恒有奸人私運毒品入境前擬設局嚴查一節既云擬設明係擬而未設之詞局既未設何從撤銷若撤銷已成事實則所謂擬設者顯係朦混且蔡成勳公賣煙土之事不獨舉國皆知即鼎升等前謁總理時總理曾慨乎其言之往司法部請願時薛代部亦慨乎其言之而對於該督理包庇煙犯干涉司法獨立尤深憤慨何得謂奸商造謠何得謂遠道傳聞失實且拒毒美名也禁煙善政也果能拒種拒運拒吸贛人方歡誦之不暇何嫌何疑而取消之而况招商包賣業已數月勒種煙苗行將收割任何敏速未由取消此電明明係其畏罪情虛故爲欺人之語而不知此電不啻該蔡成勳公賣鴉片勒種煙苗之親供江西三千萬人民爲自衛計爲身家性命計志在澄請毒禍刀鋸鼎鑊不知所避斷非空言所能搪塞爲此環懇鈞座俯念贛人不堪荼毒迅將自認包賣煙土觸犯刑章之蔡成勳拿交法庭盡法嚴懲以儆兇頑而平公憤不勝迫切待命之至謹呈

鈞鑒

江西旅京同鄉會

致陳經函

逕啟者敝會現因蔡成勳公賣鴉片積極反對不遺餘力素欽先生力持正義守正不

阿且新自贛來流毒之狀必能深悉茲特推舉代表徐步垣曾有瀾袁燭歐陽文等四人趨候左右務希俯賜接見不吝訓誨爲感此上

禮庭先生台鑒

江西旅京同鄉會啓四月十六日

致陳彥通函

彥通先生大鑒昨聞蔡成勳在贛設立拒禁毒品局販賣煙土播毒社會並命閣下爲該局坐辦又聞此事出自台端計畫不知尊意坐辦熱耶禍鄉熱耶抑愚貪性成鬼神誘之至於如此不堪救藥耶夫鴉片爲害甚於洪水猛獸盡人而知之矣中央有厲禁之文萬國有嚴拒之約彼蔡成勳因圖飽一己之私囊故不顧國際信用民生利害施行此萬惡政策閣下身爲贛人應爲贛熟籌利害儘可於高處立關處行天地之大何處不容乃竟甘冒不韙助桀爲虐縱不爲邦人父老之利害計得不爲後世子孫之利害計耶且尊家累代簪纓聲望素著如以小得而墮令名貪微利而貽遠禍竊爲不取同人等愛人以德故特瀝誠忠告願即日翻然改圖迅辭坐辦之職同人當多台端之善能補過被此夙無怨憤亦不必不爲己甚否則橐筆閣下之後痛舉此次禍鄉之罪狀以大昭告於國人大丈夫當洞識時務善思所處立名修己宜全名節切不可受人

利用爲人分謗孰凶孰吉惟實圖利之

江西旅京同鄉會啟三月十五日

致洛吳電

洛陽吳巡帥鈞鑒蔡成勳公賣煙土証據確鑿近派心腹來洛游說乞主持人道一挽
危除贛函懇外特此電陳江西旅京同鄉會叩

議事紀要

中華民國十三年三月二十二日下午二時開會出席職員五十八人

江西旅京同鄉會職員會

中華民國十三年二月二十四日下午二時開會出席職員五十八人
理事徐寶璜主席

本日關於江西設立拒毒局事議決事項如左

- （一）備文呈請府院嚴令制止並依法懲辦
- （二）致函萬國拒毒總會請其注意並附送江西拒毒局章程一份
- （三）將江西拒毒局章程譯成英文送各報宣布
- （四）函復旅滬贛民自治促進會請其始終舉力一致聲討
- （五）用書面忠告陳彥通勸其迅辭坐辦之職

江西旅京同鄉會職員會

中華民國十三年三月二十二日下午二時開會出席職員六十九人

衆議員黃序鵬主席

本日關於反對設立拒毒局事議決事項如左

(一)定於三月三十日下午二時開旅京同鄉全體大會討論反對蔡成勳公賣鴉片方法

(二)反對方法四項提交大會討論

(一)由全體同鄉携文向府院請願 (二)通電省內外同鄉各機關請其一致反對 (三)請本省國會議員提出查辦案 (四)派代表赴萬國拒毒總會說明

江西拒毒局內容

江西旅京同鄉會大會

中華民國十三年三月三十日下午二時開會出席會員三百五十二人

理事長符鼎升主席

本日議決事項如左

(一)定於四月五日上午九時由全體會員携文向府院請願

(一)公請本省參議員符鼎升提出江西督理蔡成勳公賣鴉片究竟政府事前曾會許可現擬用何方法禁其實行並如何予以嚴懲質問書

(一)公請本省衆議院議員黃君序鵬提出江西督理兼省長蔡成勳公賣烟土勒種烟苗違法殃民咨請政府查辦案

(一)公請本會理事長符鼎升領銜向南昌地方檢察廳控告蔡成勳等

(二)函請本省國會議員對於參議院議員符君鼎升提出之質問書衆議院議員費君序鵬提出之查辦案分別予以連署

(三)組織反對蔡成勳公賣鴉片委員會專辦反對事宜至其組織方法依舊有府制每府推舉二人及本會理事長組織之

(四)當場分府推舉委員但有因故未能當場推出之各府應由本會函請各該府即日舉出以利進行

(五)定於三月三十一日午後八時在江西會館開委員會成立會

(六)派代表赴萬拒毒會接洽事由委員會辦理

反對蔡成勳公賣烟土委員會

中華民國十三年三月三十一日下午八時開成立會出席委員二十二

委員黃序鵬主席

本日議決事項如左

(一)委員會簡章公請熊關周徐步垣曾有瀾黃慶來等當場起草經委員會逐條議決並定名為「反對蔡成勳公賣烟土委員會」

附錄委員會簡章十四條全文如左

第一條 本會專以反對蔡成勳公賣烟土等類及勒種鴉片爲宗旨

第二條 本會附設於江西旅京同鄉會

第三條 本會由舊府屬每府公推委員二人及同鄉會理事長組織之

第四條 本會分左列五股

(一) 總務股

(二) 文牘股

(三) 宣傳股

(四) 交際股

(五) 調查股

第五條 總務文牘交際三股各設主任一人股員四人宣傳調查兩股各設主任

人股員六人

第六條 宣傳調查事項得由各該股囑託各縣補助辦理之

第七條 各股股員由全體委員公推之

各股主任由各該股股員互選之

第八條 本會會期分爲二種

(一) 常會每於星期二五兩日下午八時舉行之

(二)臨時會遇有緊要事件由本會委員三人以上之提議舉行之

第九條 本會開會時臨時推舉主席一人會議事務以多數表決之

第十條 本會委員如有無故繼續三次不到者得由本會通知該府另舉

第十一條 本會經費全山同鄉會撥充

第十二條 本會遇有重要事務得隨時報由同鄉會開會公決之

第十三條 本會職務以達到第一條最終目的爲終止

第十四條 本簡章如有未盡事宜得由本會委員五人以上之提議經過多數之可

決修改之

(一)照章推舉各股委員再由各股委員互選各股主任

附錄名單如左

總務股 符鼎升(主任) 黃序鵬 朱念祖 曾有瀾 袁 炯

文牘股 汪長祿(主任) 徐寶璜 徐步垣 黃慶來 楊緒昌

宣傳股 李師洛(主任) 歐陽文 趙從颺 陳木立 史 青 廖 彬

調查股 熊闢周(主任) 吳性海 黃觀德 徐慕陵 胡祖乾

交際股 董開懋(主任) 漆 剛 陳厚嘉 謝尊頤

反對蔡成勳公賣烟土委員會

中華民國十三年四月一日下午八時開第一次常會出席委員十九人

委員符鼎升主席

本日議決事項如左

(一)本會開會記錄收發文件及其他關於各股委員有因住處太遠不便辦理之事項公請同鄉會文牘主任周學濂擔任

(二)向府院請願事因四月五日爲植樹節故改在四月十二日舉行並議決是日上午九時在江西會館齊集十時出發

(三)召集同鄉赴府院請願啓事即日登報以便週知

(四)發表宣言請國人援助

(五)備文呈請蘇皖贛巡閱使懇其主持公道電請政府嚴令制止並依法懲辦

(六)上南昌地方檢察廳訴狀公請曾有瀾起草

(七)致函洛陽吳巡閱使報告蔡成勳設局賣烟情事並請其主持公道電請政府發令制止依法懲辦

(八)將江西拒毒局章程譯本印刷分寄各國公使館及國外各報館

反對蔡成勳公賣烟土委員會

中華民國十三年四月四日下午八時開第二次常會出席委員二十一人

委員黃序鶴主席

本日議決事項如左

- (一) 查辦案質問書連署事由本會函請本省國會議員俱樂部定期開會以便連署
- (二) 委員汪長祿辭職事應去函慰留

反對蔡成勳公賣烟土委員會

中華民國十三年四月八日下午八時開第三次常會出席委員十七人

委員符鼎升主席

本日議決事項如左

- (一) 委員汪長祿因故再函辭職議決許可
- (二) 文牘股公推徐步垣爲文牘股主任繼汪長祿之職
- (三) 公推廖彬爲文牘股委員
- (一) 廣信府所舉之委員汪長祿既已辭職應函請該府另推
- (二) 查辦案質問書連署事經議員俱樂部開會後如尙有議員未能連署由本會交
際股委員攜帶該案原稿踵門請其連署

(一) 致電洛陽吳巡閱使請其主持公道

(二) 定於四月十一日下午一時開茶話會招待新聞記者請其主持正義並代本會

宣傳

(一)本會四月十一日下八時之常會改在招待新聞記者後舉行

反對蔡成勳公賣烟土委員會

中華民國十三年四月十一日下午三時開第四次常會出席委員二十一人

委員符鼎升主席

本日議決事項如左

(一)四月十二日向府院請願事應由交際股委員分向各會館各學校通知同鄉大眾一致進行

(一)請願人須各執旗幟藉引起社會之注意

(一)請願人到江西會館齊集時須略備茶點招待

反對蔡成勳公賣烟土委員會

中華民國十三年四月十三日下午八時開臨時會出席委員十八人

委員符鼎升主席

本日議決事項如左

(一)備文向外陸法內四部請願並推定朱念祖熊闢周曾有灝史青等爲代表攜帶

呈文前往面遞

(一)公請同鄉會理事長符鼎升領銜向北京總檢察廳控告蔡成勳等

(一)致函各處江西同鄉會報告本會已辦諸事並請其一致反對蔡成勳賣烟

(一)遵照二月二十四日同鄉會職員會之決議將江西拒毒局章程由京報登載七日並將宣言書亦隨登載

(一)黃議員序鵬所提之查辦案俟國會將該案列入議事日程後本會全體委員須屆時齊赴衆院表示請願並分發宣言書及江西拒毒局章程

(一)政府派赴江西之查辦員如本會認爲不妥應請政府更換

反對蔡成勳公賣烟土委員會

中華民國十三年四月十五日下午八時開第五次常會出席委員十八人

委員黃序鵬主席

本日議決事項如左

(一)開會歡迎前南昌審判廳長陳經時期俟向陳訪問後再定當公推徐步垣曾有瀾袁剛歐陽文等爲向陳訪問代表

(一)派代表向政府追詢有無切實辦法並表示本會希望速派司法界廉明公正之大員前赴查辦當推定符鼎升朱念祖等爲代表

(一)凡關於反對蔡成勳公賣鴉片事件彙印成冊定名爲「蔡成勳與鴉片烟」分期

陸續發布並推周學濂爲編輯

(一)致函南昌省議會請其爲蔡成勳公賣烟土事提出彈劾案

(二)致函南昌學生聯合會報告本會經過情形

反對蔡成勳公賣烟土委員會

中華民國十三年四月十八日下午八時開第六次常會出席委員十九人

委員符鼎升主席

本日議決事項如左

(一)四月十九日上午九時由本會全體委員携文向院方請願表示不滿於蔡成勳

銑電並再請依法嚴辦

(二)發表第二次宣言痛駁蔡成勳銑電並由報紙登載

(三)派代表携函與馮檢閱使接洽請其主持公道當指定交際股全體委員前往

(四)四月十九日下午一時開委員會歡迎前南昌審判廳長陳經略備茶點

(五)四月十九日下午一時開完歡迎會後開臨時會討論一切進行方法

反對蔡成勳公賣烟土委員會

中華民國十三年四月十九日下午三時開臨時會出席委員二十二人

委員符鼎升主席

本日議決事項如左

(一)致函綏遠旅京同鄉會請其將蔡成勳在綏遠賣煙情形報告本會以便擇要刊入蔡成勳與鴉片烟小冊內

(二)派代表向萬國拒毒總會報告本會新近進行情形及蔡成勳來電當推定徐寶璜袁剛等爲代表

(三)致函洛吳蘇齊痛駁蔡成勳致國務院銑電再請其電請政府依法懲辦

附錄

中華民國刑法典

◎律例

鴉片煙罪

現行刑律第二十一章

第二百六十六條 製造鴉片煙片煙或販賣或意圖販賣而收藏或自外國販運者

處三等至五等有期徒刑併科五百圓以下罰金

第二百六十七條 製造吸食鴉片煙之器具或販賣或意圖販賣而收藏或自外國

販運者處四等以下有期徒刑或拘役

第二百六十八條 稅關官員或其佐理自外國販運鴉片煙或吸食鴉片煙器具或

縱令他人販運者處二等或三等有期徒刑併科一千元以下罰金

第二百六十九條 開設館舍供人吸食鴉片煙者處四等以下有期徒刑或拘役併

科三百元以下罰金

第二百七十條 意圖製造鴉片煙片煙而栽種罌粟者處四等以下有期徒刑拘役

或三百元以下罰金

第二百七十一條 吸食鴉片煙者處五等有期徒刑拘役或一千元以下罰金

第二百七十二條 巡警官員或其佐理當施行職務時知有前六條之犯人故意不即與相當之處分者亦依前六條之例處斷

第二百七十三條 收藏專供吸食鴉片煙之器具者處一百元以下罰金

第二百七十四條 第二百六十六條至第二百七十一條之未遂犯罪之

第二百七十五條 犯第二百六十六條至二百七十二條之罪者得褫奪公權官員

犯者並免現職

禁種罌粟條例

三年五月五日

第一條 各省栽種罌粟不問已未禁絕自本條例施行日起不得再行栽種

第二條 禁種事項應由內務總長嚴飭各地方民政長官督率所屬縣知事切實執

行

第三條 縣知事於所轄境內發現栽種罌粟時應即速強制剷除並處罰栽種人以應得之罪

第四條 禁種或剷除罌粟儻有聚眾抵抗非藉武力不能鎮壓者得由知事呈請該管民政長官轉請都督派兵協助之

但情形緊急不及呈報轉請時得逕請最近駐紮之軍隊協助惟仍須呈報本管長官

第五條 各地方民政長官因督率所屬縣知事執行禁種應隨時派員切實勘查其禁種情形應按月造冊彙報內務總長

第六條 關於各縣境內有無罌粟縣知事得責成鄉董等隨時呈報其呈報不實或故爲隱蔽者得依法處罰之

第七條 縣知事查禁不力致轄境內發見罌粟者應由該管長官呈請付高等文官懲戒委員會懲戒之

其因賄故爲隱蔽者除付懲戒外仍依暫行新刑律規定辦理

第八條 縣知事查禁裁種辦理操切釀成事端者除付高等文官懲戒委員會懲戒外仍依暫行新刑律規定處罰

第九條 各地方民政長官督率不力或呈報不實者應由內務總長呈請付高等文官懲戒委員會懲戒之

第十條 縣知事辦理禁種能迅速禁絕者得由該管民政長官呈請獎勵

其各地方民政長官督率禁種成績顯著者得由內務總長呈請獎勵

第十一條 本條例自公布日施行

嗎啡治罪條例(三年四月十一日)

第一條 製造嗎啡或販賣或意圖販賣而收藏或自外國販運者處三等至五等有期徒刑併科五百元以下罰金

第二條 製造專供施打嗎啡之器具或販賣或意圖販賣而收藏或外國販運者處四等以下有期徒刑或拘役

第三條 稅關官吏或其佐理人自外國販運嗎啡或專供施打嗎啡器具或縱令他人販運者處二等或三等有期徒刑併科一千元以下罰金

第四條 施打嗎啡者處四等以下有期徒刑或拘役併科三百元以下罰金

第五條 倩人施打或自己施打嗎啡者處五等有期徒刑或拘役或一千元以下罰金

第六條 巡警官員或其佐理人當執行職務時知有前五條之犯人故意不即與相當之處分者亦依前五條之例處斷

第七條 收藏專供施打嗎啡之器具者處一百元以下罰金

第八條 第一條至第五條之未遂犯罪之

第九條 犯第一條至第六條之罪者得褫奪公權官員犯者並免現職

第十條 本條例頒行以前凡關於嗎啡之犯罪以已經提起公訴未經確定審判者

爲限適用本條例

第十一條 在製藥律未頒布以前凡關於高根安洛因及其化合質料之犯罪亦適

用本條例

第十二條 本條例自公布日施行

●命令

民國元年六月十一日

臨時大總統命令禁煙爲除害救民之要政前經特令內外各長官將從前辦法繼續進行乃聞各省目上年軍興以來禁令廢弛無知愚民往往貪圖近利偷種烟苗若不痛予剷除則毒卉復萌何以導新機而除舊染應責成各省都督無論已報禁絕及未報禁絕各省分一律剷切曉諭如再有私種鴉片情事即嚴飭分列犁拔凡我國民尤宜互相懲戒毋得干犯禁網致貽後悔此令

民國元年十二月二十五日

臨時大總統訓令鴉片爲害我國所有禁種禁運禁吸各辦法前清即定限厲行現在與民更始何忍蒼生永墮沉澗本大總統前曾發布訓令特飭民政各機關曉諭國民力除痼習如有抗違者均照律治罪比月以來民政各機關當已及時籌辦誠恐告者諄諄而聽者仍復藐應石嚴申禁令以促進行爲此通令各省行政長官恪遵前令嚴切執行前此英國政府及議會已提議贊同實行嚴禁並協訂印藥止運之法上年

續訂中英禁烟條件曾聲明各省地方如禁運禁種禁吸均已切實辦到顯有確據應由外交部查據各該省報告與英國駐京公使委員會查切實商禁印藥製人可知各省印藥之能否止運純以上藥是否禁絕爲轉移而禁絕土藥之方又以實行禁種爲最要庶與中英禁煙條例不相抵觸各該長官自奉到此次訓令以後應再立飭該管各地方官查照條約振刷精神分別嚴查並按月將禁煙實在情形報明外交內務兩部以資考核本大總統將視此事定殿最焉此令

民國二年十月二十七日

大總統命令鴉片之害禁令綦嚴本大總統兩年以來疊經頒布訓令督飭履行近查各行政機關於禁煙事宜雖不無成績可觀然玩忽因循始勤終怠者亦在所不免除惡不盡流毒無窮特再通令京外各行政長官恪遵疊次訓令於禁種禁運禁吸三端嚴切執行其印藥入口卽著各關監督按照條約切實檢查務期減盡至正本清源之流尤以加密巡緝明定法令爲主著內務部會同法制局將私犯烟禁律令及地方官吏禁煙不力之處分切實擬訂分別頒行並著教育部以鴉片戕賊人類理由編入教科垂誠社會工商農林兩部於拔種煙苗地方廣籌生計庶幾標本並治根株痛斷厚生正俗此其一端凡我有司凜之母忽此令

民國四年五月十一日

大總統中令鴉片之禍盡人皆知約計數十年中銷耗金錢無慮八千兆戕害生命奚啻千萬人一爲所染則志氣頹靡形骸枯槁壽者以夭富者以貧乃至奸宄叢生職業廢弛人種衰弱道德淪亡兇於而家害於而國幸賴各友邦之主持公道與中外人士之闡發仁言於前清宣統三年與英國續訂條件議定期禁絕土藥停運洋藥關於禁種禁吸禁運各端認真整頓故煙苗淨盡如奉天等省先後停運各無異言萬國禁烟會更聲明限制檢查鴉片商業與中政府所設立辦法同時進行若乘此時機廓清而掃蕩之庶有轉弱爲強之日民國初元重申禁令乃各省秩序已亂成績蕩然臺起之暴民與雜募之游勇大都沾染烟癖因緣爲奸無知愚民貪獲小利舉從前所懸爲厲禁者一朝廢弛之可勝痛恨或謂貧民生計所關禁種容有阻力不知嗜烟之害實如附骨之疽但可剔骨以去疽豈可醬瘡而剝肉無論利之厚薄亦應剴切勸導使知酗酒止渴之不可爲生責成團保掣拔易以棉錠麥豆等種俾資抵補由習慣以幾自然豈可執目前生計爲詞嘗他日無窮之禍近聞陝西左近一帶仍有佈種鴉片情事經電詰該省長官嗣據陸建章呂調元電呈稱各屬詳報禁絕者已屬多數惟鄉僻愚民於窮谷深山乘隙偷種現已飭縣認真查禁並明白示諭分路委員搜查等語該省交通未便愚民祇貪小利不知禁令森嚴全在地方官苦口熱誠量其土宜勒令播種良苗豈容任一隅之地敗全部之功著內務部行知該省巡按使申明禁令毋任不肖

之徒視爲營私罔利之計但不准縱容丁役藉端敲詐致一弊去又生一弊總期全國官民視此事爲奇恥大辱俾毋遺種以毒新邦其各猛省毋忽此令

民國四年八月三日

大總統申令刻因陝西左近一帶佈種鴉片情事經電詰該省長官據呈愚民乘隙偷種已飭縣認真查禁並明白示諭分路委員搜查亦經明令內務部行知該省巡按切實申禁毋任不肖之徒營私罔利各在案鴉片之害創巨痛深幸條約禁絕之期際將屆滿各該長官宜如何恪遵禁令絕其根株乃風聞陝省地方仍復栽種土藥官吏竟不過問如果屬實則呂調元前呈認真查禁示諭搜查等語豈非捏嗣粉飾欺蔽中夾着內務部派員前往切實查勘倘有陽奉陰違敗壞要政惟該巡按使是問此令

民國四年十二月二十四日政事堂奉申令鴉片之害流毒已久比年全國人民漸多覺悟政府諄諄誥誡不啻三令五申所有禁種禁吸禁連各端迭飭各省行政長官切實辦埋懲勸兼施察度情形可期一律禁盡惟中國幅員遼闊耳目難周或奸商視利偷運巧假護符倖免盤詰或富人重金購儲深藏私吸難於查偵或愚民狃於積習在僻壤窮鄉乘隙偷種稍一疏懈害即潛滋各省長官若但憑所屬詳報禁絕便不經心恐官吏陽奉陰違敷衍塞責甚至因以爲利百弊叢生非習於因循卽相率欺隱奉行不善貽害何堪用特不憚煩言重申禁令著內務部通行各省區行政長官暨稽查運

輸各機關嗣後關於煙禁務須恪遵勸令認真督飭隨時隨地嚴密查究亦不得藉端滋擾並示諭商民剴切勸告如有違犯禁煙情事一經發覺定即依法懲治決不寬容總期根株淨絕痼習胥除以福新邦而作民氣此令

民國五年八月十三日

大總統令近年以來嚴禁鴉片三令五申內地已絕種植而貪利不法之徒巧假護符暗中販賣蠱國病民殊堪痛恨著內務司法兩部通行各省行政長官暨稽查運輸各官署遵照迭次命令於禁種禁吸禁運各端切實查懲以期永絕根株淨消流毒此令

民國五年九月十九日

大總統令鴉片流毒垂數十年騰笑環球重爲國慘有清之季幸賴士庶之呼號隣邦之協助訂期禁絕限以十年民國代興厲行前政禁種禁運禁吸具有專條有司考成昧爲殿最比年以來中外會勘差無訾議萬國禁煙會既聲明限制洋藥商業各省又經後先停運足見與國善意望我富強凡我國之人尤宜急起直追自瀚前恥迺者訂約之期本月屆滿自今以往時不再來深虞猾吏舞文奸商玩法或託詞稽徵罰款或私自存土運銷陽假官符陰揚毒燄一隅橫潰功敗垂成是負友國之盛心而失人民之責望用特重申前令著內務司法兩部行知各該地方官吏恪遵禁令嚴切施行其有犯種運售吸諸罪者並由法庭從重懲治仍責成教育部轉飭各講演社編具淺說

悉力開導俾得父誡其子兄勉其弟曉然利害毋蹈刑章本大總統爲民除害不憚煩苛如有蔑視禁令者惟有執法以繩其後不容遺孽再毒新邦懷之毋忽此令

民國十三年一月二十八日

大總統令禁煙一事於國際信用民生利害在在均有關係迭經嚴令申誡並特派專員分赴查勘現在禁煙限期業經屆滿雖據各省區先後呈報查禁淨盡恐日久玩生奸民射利難保不故態復萌各省區軍民長官均負督察之責著仍懷遵歷次禁令督飭所屬認真查禁務期盪滌瑕穢剷絕根株勿得稍涉寬縱致干重咎此令

